

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

1. प्रधानमंत्री नरेन्द्र मोदी होरें आखेआ ऐ जे भाषा सरबन्धी रुकावटें गी दूर करना साढ़ी सब्बने दी सांझी जिम्मेदारी होनी लोड़चदी ऐ।
2. मुख्यमंत्री उमर अब्दुल्ला होरें आखेआ ऐ जे जम्मू कश्मीर च ओने आली रासपूंजी च साढ़ी जमीनें दी राक्खी हिफाजत दे कन्नो कन्नी मकामी नोजवानें लेई रोजगार दे मौके जकीनी बनाए जाने लोड़चदे न।
3. मुख्यमंत्री उमर अब्दुल्ला होरें राबता दफ्तर दे कम्में काजें दा जायजा लैता।
4. जल शक्ति मंत्री जावेद अहमद राणा होरें इक समग्र समाज दे निर्माण च डॉ. मसूद चौधरी हुंदे योगदानें गी चेता कीता।

<><><><><><>

PM Marathi Sammelan

प्रधानमंत्री नरेन्द्र मोदी होरें आखेआ जे भाषाएं दे बंधन त्रोड़ना साढ़ी सब्बने दी सांझी जिम्मेदारी होनी लोड़चदी। कल नमीं दिल्ली च 98^{में} अखिल भारतीय मराठी सम्मेलन दा उद्घाटन करदे होई प्रधानमंत्री होरें इस गल्लै गी उजागर कीता जे महाराष्ट्र दे मते सारे संतें मराठी भाषा च भक्ति आंदोलन राएं समाज गी इक नमीं दिशा दस्सी। प्रधानमंत्री मोदी होरें आखेआ जे सरकार हर भाषा गी मुखधारा दी इक आवाज दे तौर पर दिक्खदी ऐ। उनें आखेआ जे भारतीय भाषा व कदें बी इक दुए लेई खार ते दवेष दी भावना नेइं रेही ऐ। सगुआं इनें म्हेशां गै इक दुए गी समृद्ध कीता ऐ। प्रधानमंत्री होरें अगगे गलाया जे 1878 थमां अखिल भारतीय मराठी साहित्य सम्मेलन देसै दे 147^{एं} ब'रें दे सफर दा साक्षी रेहा ऐ। उनें आखेआ जे एह सम्मेलन उस बेल्ले कीता जा'रदा ऐ जिसलै राष्ट्र छत्रपति शिवाजी महाराज हुंदे राज्यभिषेक दे 350 ब'रे दा जश्न मना'रदा ऐ। त्रै दिनें दे इस सम्मेलन च पैनल चर्चा, कताब प्रदर्शनियां, सांस्कृति प्रदर्शनें दे अलावा मन्ने परमन्ने दी साहित्यक हस्तिएं कन्नै गल्लबात आले सत्र बी लोआए जा'रदे न।

<><><><><><>

CM-CII

जम्मू कश्मीर च आर्थिक पाकरस्थितिकी प्रणाली गी बढ़ावा देने लेई मुख्यमंत्री उमर अब्दुल्ला होरें जिम्मेदार उद्यमी जौर तरीके अपनाने दी लोड़ पर जोर पाया ऐं मुख्यमंत्री होरें एह गल्ल कल श्रीनगर च भारतीय उद्योग

महासंघ दे जम्मू कश्मीर सलाना स? 2025 गी संबोधत करदे होई आक्खी जेहदा शीर्षक हा “नमें विकास दे लक्ष्यें दी तांग लेइयै अगगे बधदा”। जम्मू कश्मीर, जम्मू कश्मीर च निवेशें गी बधाने दी पैरवी करदे होई मुखमन्त्री होरें इस गल्लै पर जोर पाया जे निवेश दे सनें इस गल्लै पर ध्यान देना लोड़चदा ले साढ़ी जमीन दी राक्खी हिफाजत लेई सुरक्षा कनूनें दी बवस्था दे कन्नो कन्नी मकामी युवाएं लेई रोजगार दे मते मते मौके उपलब्ध करोआनी जकीनी बनाना लोड़चदा। उनें हिमाचल प्रदेश दी मिसाल दिंदे होई आखेआ जे इस चाल्ली दे कनूनें कन्नै जिमीं सुरक्षा जकीनी बनाग ते कन्नै गै मकामी चुनाएं लेई रोजगार जकीनी बनाया जाग। खाद्य नागरिक बानूति ते उपभोक्ता मामले दे मंत्री सतीश शर्मा होरें इस कार्यक्रम च मानजोग परौहने दे तौर पर शिरकत कीती।

<><><><><><>

CM- Raabita

मुखमन्त्री उमर अब्दुल्ला होरें कल श्रीनगर च मुखमन्त्री दे लोकसेवा ते आउटरीच कार्यालय राबिता दी समीक्षा बैठक दी अध्यक्षता कीती तां जे एह्दे कम्मकाज बारे व्यापक जायजा लैता जाई सकै ते जन शकैतें दा असरदार ढंगै नै नबेड़ा करने लेई एह्दी भूमका गी मजबूत कीता जाई सकै। बैठक दरान मुखमन्त्री होरें निर्देश दित्ता जे जिला सतह पर राबिता नोडल अफसरें गी नियुक्त कीता जा तां जे लोकें दे मामलें ते शकैतें दा तौले नबेड़ा कीता जाई सकै। उनें लोकें तगर पुज्जने च सक्रिय रौंह अपनाने दी लोड़ पर जोर पाया जेह्दे कन्नै एह् जकीनी बनाया जाई सकै जे सरकार आस्सेआ चलाई जार’रदिएं पैहलकदमिं दे कन्नो कन्नी लोकें दी शकैतें दे नबेड़े सरबंधी तंत्र दा हर इक नागरिक तगर पुज्जना सखल्ला बनी सकै।

<><><><><><>

Doda IEC

विद्यार्थिं गी नशे दे माड़े नतीजें बारै बनाने दे मकसद कन्नै डोडा जिले च सूचना, जानकारी ते संपर्क सरबंधी अभियान रम्मेआ गेदा ऐ। इस सरबंधी च मुख शिक्षा अधिकारी मोहम्मद हाफिज़ होरें कल्चरल सैल दे जिला ते जोनल प्रभारिं कन्नै इक वर्चुअल बैठक लाइयै, भविष्य दी रणनीति बारै चर्चा कीती। इस अभियान दा आयोजन समाज कल्याण विभाग ते स्कूली शिक्षा विभाग आसेआ किट्ठे रलियै कीता जा’रदा ऐ ते एह्दा मकसद विद्यार्थिं गी नशे दी लत्त दे माड़े नतीजें बारै जागरुक बनाना ऐ।

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेह्दी उमर 24 थमां 50 ब’रें दे बश्कार ऐ ते ओह् कठुआ जिले दा रौहने आह्ला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 ब’रें दा तजुर्बा होना लोड़चदा ऐ। मेदवार

गी कम्प्यूटर पर खबर बनाने ते मीडिया कवरेज दे अनुभव सने सरबंघत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर—अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू पिन कोड 180001 उप्पर 07 मार्च 2025 थवां पैहले—पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

Rana-JNU

जनजातीय मामले दे मंत्री जावेद अहमद राणा होरें न्यायपूर्ण ते समावेशी विकास आला समाज बनाने दी हिमायत कीती ऐ। उनें डॉ. मसूद अहमद चौधरी हुंदे सब्बनें गी किट्ठे लेइयै चलने आले नजरियै बारे ते निक्की सोच थमां परे हटियै सब्बने दे विकास दी अहमियत बारे गलाया। मंत्री राणा होरें एह गल्ल नमीं दिल्ली दे जवाहर लाल नेहरू यूनिवर्सिटी दे जनजातीय अध्ययनें लेई उत्कृष्टता केन्द्रआस्सेआ जम्मू कश्मीर दी जनजातीय पंछान आस्तै यमावेशी दृष्टिकोण डॉ. मसूद अहमद चौधरी हुंदे जीवन ते विरासत गी समान्त करने आले इक सेमीनार दरान आक्खी ही। इस आयोजन च मुख्ख परौहने दे तौर पर शिरकत करदे होई राणा होरें आखेआ जे डॉ. चौधरी होरें जनजातीय लोकें दे विकास लेई महत्वपूर्ण भूमका अदा कीती ऐ। इस मौके पर संसद सदस्य गुलाम अली खटाना होर बी डॉ. चौधरी होरें गी चेता कीता ते आखेआ जे ओह इक बेहतरीन विद्वान ते समर्थ प्रशासक हे।

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” इस बारी 23 फरवरी गी देश विदेश च रौहने आले श्रोताएं कन्नै बचार सांझे करगंन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एह 119मीं किश्त होग। कार्यक्रम च शामिल करने लेई लोक अपने बचार ते सुझाह 21 तरीक तगर टोल फ्री नंबर 1800—11—7800 पर भेजी सकदे न। एहदे इलावा लोक अपने बचार My Gov ते नरेन्द्र मोदी ऐप पर बी भेजी सकदे न। एह कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहग। एहदे कन्नो कन्नी एहदा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाग। आकाशवाणी जम्मू पर मन की बात दे तुरत मगरा एहदा डोगरी च अनुवाद प्रसारत कीता जाग।

<><><><><><>

DC Samba Mahashivratri

सांबा दे डिप्टी कमीशनर राजेश शर्मा होरें कल जिला प्रशासनिक परिसर च औंदे महाशिवरात्रि पर्व दिएं तैआरिएं दा जायजा लैने लेई इक उच्ची सतह दी बैठक दी अध्यक्षता कीती। इस बैठक च श्रद्धालुएं गी सहूलियत देने ते कनून बवस्था बनाई रखने लेई मैह्कमे बश्कार तालमेल जकीनी बनाने उप्पर जोर दित्ता गेआ। एह्दे अलावा डीसी होरें मुत्तलका अधिकारिएं गी निर्देश दित्ता ऐ जे ओह् मुख् धार्मिक थाहरें पर पानी ते बिजली दी लोड़चदी सप्लाई, साफ सफाई, ट्रैफिक प्रबंधन ते मैडिकल सहूलतें गी उपलब्ध करोआना जकीनी बनान। एह्दे कन्नो कन्नी बैठक च श्रद्धालुएं दी सुरक्षा गी जकीनी बनाने ते मंदरे ते धार्मिक थाहरें दे आले दुआले इलाकें गी रोशन करने पर खास ध्यान दित्ता गेआ।

<><><><><><>

DC Rajouri Festival

राजौरी दे डिप्टी कमीशनर अभिषेक शर्मा होरें कल डीसी दफतर दे कांफ्रेंस हाल च औंदर महाशिवरात्रि ते रमजान दे इंतजामें दी तैआरिएं बारे इक समीक्षा बैठक दी अध्यक्षता कीती। बैठक च ध्यारें दे दरान जरूरी सेवा, सुरक्षा ते लोकें गी दित्ती जाने आली सहूलतें दा बिजन कुसै रूकावट दे प्रबंधन जकीनी बनाने उप्पर जोर दित्ता गेआ। चीजें बस्तें दे भाएं गी नियमित करने पर जोर पांदे होई डीसी होरें सरबंघत अफसरें गी निर्देश दित्ता जे ओह् जरूरी चीजें दे भाएं उप्पर निगरानी रखन ते दुध, पनीर, सब्जियां ते होरनी जरूरी चीजें दी उपलब्धता जकीनी बनान। इस मौके पर उनें साफ सफाई बनाई रखने लेई मुत्तलका मैह्कमे गी निर्देश दित्ते।

<><><><><><>

DC Poonch Jal Shakti

पुंछ दे डिप्टी कमिशनर विकास कुंडल होरें जल शक्ति मैह्कमें दिएं संपत्तिएं दे रिकार्ड दी जांच दे कम्मै च हासल प्रगति दा जायजा लैने गितै कल इक महत्वपूर्ण बैठक दी प्रधानता कीती। बैठक दरान जिमीं सरबंघी बक्ख-बक्ख मामलें पर तपसीली चर्चा कीती गई ते इ'नें मामलें गी तेजिआ कन्नै तोढ़ चाढ़ने दी जरूरतै पर जोर पाया गेआ। डिप्टी कमिशनर होरें तैहसीलदारें गी साफ तौरा पर एह् आखी दित्ता जे ओह् इक ध्याड़े दी तय समें-सीमा दे अंदर-अंदर जिमीं सरबंघी मामलें पर ऑनलाईन कार्रवाई जकीनी बनान। इस गैह् दा मकसद मैह्कमे दे कम्में-कार्रवाईएं गी चुस्त-दुरुस्त बनाना ते जिमीं सरबंघी मामलें गी पूरी दक्षता कन्नै तोढ़ चाढ़ना ऐ। सभ्मनें ब्लाक विकास अफसरें, वर्चुअल ढंग्गै'नै इस बैठका च हिस्सा लैता ते बक्ख-बक्ख योजनाएं स्थाबै कम्में दी स्थिति बारै ब्यौरे सांझे कीते।

<><><><><><>